

**2016-imi aasartinnagu Telepost A/S-imi piginnittuunermut periusissiamik ersarissumik Naalakkersuisut suliaqarnissaannik Inatsisartunut aalajangiiffigisassatut siunnersuut. Piginnittuunermut periusissiami tele-p iluani namminersortunngorsaanissami pilersaarutit naatsorsuutiginninnerillu ersarissumik allanneqarsimassapput. Tamatuma saniatigut ingerlassanut Telepost A/S-mut toqqaannartumik imminut akilersinnaanngitsunut Telepost A/S-ip aningaasaliinissaanut qanoq naatsorsuutiginninnerit ersarissarneqarsimassapput, taakkunungalugu søkabelip tallineqarnissaanut radiokædellu pitsanngorsarneqarnissaanut pisat ilaapput.**

(Inatsisartunut ilaasortaq Kalistat Lund, Inuit Ataqtigiit)

### **Akissuteqaat**

(Naalakkersuisut Siulittaasuat)

### **Aappassaanneerpeqarnera**

Ataatsimiititaliap isumaliutissiissutaani nalunaarasuartaateqarnermi namminersortunngorsaanissat pillugit apeqqummik ataatsimiititaliap suliaqarsimanera pillugu Naalakkersuisut Inatsisartut Sanaartornermut Ataatsimiititaliaat qutsavigissavaat. Aalajangiiffigisassatut siunnersuummut inassuteqaat pillugu Sanaartornermut Ataatsimiititaliami isumaqatigiinngitsoqartoq Naalakkersuisut maluginiarpaat.

Sanaartornermut Ataatsimiititaliami amerlanerussuteqartut isumaliutissiissummi allannguutissatut siunnersuummik saqqummiussipput, aallaqqaammut aalajangiiffigisassatut siunnersuummi siunertarineqartoq ersarissarneqassasoq siunertarineqarpoq. Allannguutissatut siunnersuummi nalunaarasuartaatigut attaveqatigiinnermi namminersortunngorsaanermik suliniut killilerneqassasoq siunertarineqarpoq. Ataatsimiititaliami ikinnerussuteqartup kissaatigaa Kalallit Nunaanni nalunaarasuartaateqarnikkut sullissinerup namminersortunngorsarneqarata siuarsarneqassasoq.

Aalajangiiffigisassatut siunnersuutip siullermeerneqarnerani partiit oqaaseqaataat kiisalu ataatsimiititaliap isumaliutissiissutaani oqaaseqaatit tunngavigalugit Naalakkersuisut isumaqarput, allannguutissatut siunnersuut saqqummiunneqartoq Naalakkersuisut tusaatissatut tigussagaat.

Sanaartornermut Ataatsimiititaliap isumaliutissiissutaanut Naalakkersuisut annertunerusumik oqaaseqaatissaqanngillat, Naalakkersuisut aalajangiiffigisassatut siunnersuut saqqummiunneqartoq Inatsisartunit aappassaanneerpeqarluni suliarineqarnissaa qilanaaraat.